



Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 6. Confusio in pœnam.

[urn:nbn:de:hbz:466:1-48689](#)

commendauit. Ambobus itaq; in conflictu du-
rantibus, Heraclio victoriam Deus tribuit, &
cunctum exercitum suo Imperio subiugauit, ad-
eò ut uniuersus populus Cosrhoa fidei Christianæ
se subdiderit, & sacrum baptisma susceperit.
Cosrhoes autem ignorabat exitum belli, quia
cum omnibus odio esse, id à nemine ei intimaba-
tur. Heraclius improviso ad eum peruenit, &
in throno aureo eum sedere reperiens, eidem di-
xit: Quia lignum S. Crucis secundum modum
tuum honorasti, si baptismum & fidem Christi
susceperis, adhuc vitam & regnum à pacis obsti-
dibus obtinebis: fin verò implere contempseris,
gladio meo te feriam, & caput tuum precidam.
Cum ille acquiescere nollet, extracto gladio pro-
tinus eum decollauit. Sic Siffridus, Breuia-
rium Rom. 14. Sept. à Sinochio proprio
filio occisum ait. Ita theatalis Deus, Deus
pariter & homo esse desijt, vitam simul &
personam exuens. An non meritò? Iam du-
dum diuina æquitas Deposuit potentes de se. Luc. 1. 52.
& exaltauit humiles.

§. III.

Confusio in pœnam.

In plerisq; vrbibus catasta est, in qua rei
Iudibrio exponuntur; & vulgaris pœna est,
ut adulteri, vel adulteræ, cum cereo, vel
virgis,

virgis, in ignominiam, ante fores aditusq; templorum statuantur. Ita iudex quoq; diuinus peccatores infamia punit, in exemplum & emendationem aliorum, vt si erubescere nolint, non faciant erubescenda. De tali dicitur: *Diripuerunt eum omnes transeuntes viam: factus est opprobrium vicinus suis. Exaltasti dexteram deponentium eum: latificasti omnes inimicos eius. Auertisti adiutorium gladii eius: & non es auxiliatus ei in bello. Destruxisti eum ab emundatione: & sedem eius in terram collisisti. Minorasti dies temporis eius: perfudisti eum confusione.* Quid miratur is se diripi, qui pauperes diripuit, vt ditaretur? quid queritur, se esse opprobrium vicinis suis, qui ipse despexit vniuersos? quid de iustitia Dei dubitat, quando videt se desertum in bello, & hostes suos triumphare, qui abusus est potentia, itaque subditos contrarius & fas pressit, vt ipse loco hostis habetur? Pauperes, egeni, religiosi, quos auari deglubunt, cum alioqui pro eis vota ad Superos facere deberent, iniuria prouocati hac oratione vtuntur: *Induantur, qui detrahunt mihi, pudore: & operiantur, sicut diploide, confusione sua.* An non debet iniquissime pressos exaudire Deus? & prementes preme-

re vicissim? An non mulier, seu anima potius in ruborem danda est, que confusione res dignas gerit? Numquid, *Qui prius responderet,* Prou. 12.
4.
quam audiat, stultus se esse demonstrat, & Prou. 18.
13.
confusione dignum? Deniq; sicut honor & gloria in sermene sensati, ita lingua imprudentis Eccli. 5. 15.
subuersio est ipsius. Non appelleris susurro, ait idem, & lingua tua ne capiaris, & confundaris. Super furem enim est confusio & paenitentia, & denotatio pessima super bilinguem: susurratori autem odium, & inimicitia, & contumelia. Hæc talia, isti tales merentur. Atq; utnam icti saperent, ne operiantur, sicut diploide, confusione sua, & non solùm in hac vita, sed etiam in altera, æterna confusione induantur.

§. VII.

Confusio in medicinam

Est enim confusio adducens peccatum, & est Eccli. 4.
confusio adducens gratiam & gloriam: tum 25.
scilicet, si admoniti de errore resipiscant. Psal. 82.
Hinc ait Psalmista: *Imple facies eorum ignominia, & quarent nomen tuum, Domine.* Po-
test enim contemptus & ignominia aperire homini oculos, ut & suam videat miseriam, & mundi agnoscat vanitatem. Qualem historiam ex PP. Dominicanorum Annalibus recitat